

入藥鏡序

神仙之學豈凡夫俗子之可聞必是大根大器決烈丈夫明眼高士之可爲也且夫學者爲者何事外則窮天地施化之理內則明身心運用之機然雖如是宣尼若不遇老子親授故無猶龍之歎瞿曇不是古聖再來豈有出世之見所以學者如牛毛達者如麟角此無他在乎得傳與不得傳耳神仙之學不過修煉性命返本還源而已採先天一炁以爲丹母運後天之氣以行火候以火煉性則金神不壞以火煉命則道氣長存換盡陰濁之軀變成純陽之體神化自在應運無窮豈不奇哉余見今之學仙者紛紛之多及至與辯論真訣人各偏執一見不合先道藏輯要

入藥鏡序

二

盧集五

師正傳之道觀崔公入藥鏡八十二句言簡而意盡貫穿諸丹經之骨髓予不愧管窺之見遂將吾師所授口訣每四句下添一註脚剖露玄機作人天眼日後之來者與我同志試留心玩誦斷斷有神告心悟之効無疑也或者有云吾註不足爲信而崔公之言當以爲實依而行之信而從之運煉一身則學仙之能事畢矣南昌修江混然子王道淵序